

## II CONVOCATORIA DE AXUDAS “ABRIGA” PARA ESTUDANTADO REFUXIADO, SOLICITANTE DE ASILO, PROCEDENTE DE ÁREAS XEOGRÁFICAS EN CONFLITO OU PAÍSES RECEPTORES DE AOD.

O Programa de Acollida Universitaria na Universidade da Coruña xorde como iniciativa no ano 2019, no que a UDC adheriuse ao programa "Rapid Response Mechanism for Higher Education in Emergencies" da oficina do entón Presidente de Portugal Jorge Sampaio, para facilitar o estudo universitario a persoas solicitantes de protección internacional. Este programaponse en marcha no curso académico 2019/2020. O seu obxectivo fundamental é contribuir a paliar a situación das persoas que buscaban asilo en Europa, potenciando a capacidade de acollida da sociedade dende a perspectiva da educación.

En coherencia coa declaración da Asamblea Xeral da Conferencia de Reitores das Universidades Españolas (CRUE) do 7 de setembro de 2015, a Universidade da Coruña, como integrante da Rede Galega de Cooperación Universitaria ao Desenvolvemento, asina, xunto coa Universidade de Vigo e a Universidade de Santiago de Compostela a “Declaración de compromiso das Universidades públicas Galegas coa Axenda 2030 de Desenvolvemento sustentable das Nacións Unidas” en novembro de 2019, na que queda incluída a acollida de estudantes refuxiados/as co obxectivo de contribuir a garantir o dereito da educación superior das persoas refuxiadas e en situacións análogas.

### BASES

#### 1. OBXECTIVO DAS AXUDAS

O obxectivo xeral desta convocatoria é ofrecer bolsas de apoio ao estudiantado matriculado ou que dexese matricularse na UDC, e que estando en posición do estatus de refuxiado/a ou de solicitude de asilo ou que proveña de áreas xeográficas en conflito, ou países que sexan receptores de Axuda Oficial ao Desenvolvemento (AOD), e que precise axudas para a continuidade ou o inicio de estudos e cumpran os requisitos descritos nesta convocatoria.

#### 2. TIPOS DE AXUDAS:

As axudas ofrecidas quedan enmarcadas nas seguintes modalidades, podéndose elixir máis dunha opción:

- Taxas e prezos públicos da matrícula completa ou parcial do curso correspondente na UDC.  
*Non se cubrirán gastos de materias suspendidas salvo casos excepcionais –e nunha soa ocasión- que demostren situacións psicosociais adversas.*
- Taxas de expedición de títulos.
- Aloxamento nas residencias universitarias no caso de non ter cubertas estas necesidades por outros medios. *5 prazas na residencia Elvira Bao da Coruña, ampliables segundo a dispoñibilidade orzamentaria e a situación de crise global que o xustifique.*
- Atención psicolóxica en colaboración coa Unidade de Investigación en Intervención e Coidado Familiar (UIICF)  
*A asistencia psicolóxica poderá ser solicitada en calquera momento do curso polo grupo de estudiantado beneficiario da axuda, e será asignada unha vez se realice a valoración correspondente por profesionais do UIICF.*
- Axudas económicas, para o estudiantado matriculado no curso 2024/25, coa finalidade de garantir a igualdade de oportunidades daquelas persoas pertencentes aos colectivos

Código Seguro De Verificación	P3ayy8IqqcrMPujR3l2uFg==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	14/06/2024 10:38:05
Observacións		Páxina	1/7
Url De Verificación	<a href="https://sede.udc.gal/services/validation/P3ayy8IqqcrMPujR3l2uFg==">https://sede.udc.gal/services/validation/P3ayy8IqqcrMPujR3l2uFg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



definidos da convocatoria e nos seus anexos. O importe de cada axuda ascende a novecentos euros (900 €), que se aboarán en 3 pagamentos.

*A dotación total destas axudas será de tres mil euros (3.000,00 €) que se financiarán con cargo á partida orzamentaria 090A 422D 48001. O dito importe poderá ser incrementado en función da dispoñibilidade orzamentaria.*

No reparto das axudas por distintos conceptos, terán prioridade as de cobertura do coste da matrícula.

### 3. PERSOAS DESTINATARIAS DAS AXUDAS

A presente convocatoria resulta de aplicación a estudiantado estranxeiro de fóra da Unión Europea, cos requisitos académicos necesarios para cursar un grao, posgrado ou doutoramento e que cumpran os seguintes requisitos:

- Persoas beneficiarias na edición 2023/2024 desta convocatoria de Axudas ABRIGA que continúen eses mesmos estudos na UDC.
- Persoas refuxiadas ou solicitantes de protección internacional, apátridas ou beneficiarias de protección subsidiaria, incluíndo:
  - Persoas que teñan solicitado asilo ou fosen recoñecidas como persoas refuxiadas consonte a lei 12/2009 Reguladora do Dereito de Asilo e da Protección Subsidiaria en España.
  - Persoas ás que se lles denegara a condición de persoas refuxiada consonte a lei 12/2009 Reguladora do Dereito de Asilo e da Protección Subsidiaria en España en resolución non firme e cuxa resolución fose obxecto de impugnación en vía administrativa ou contencioso-administrativa.
- Persoas con autorización de residencia temporal por circunstancias excepcionais por razóns humanitarias.
- Persoas nacionais dalgún país que reciba Axuda Oficial ao Desenvolvemento.
- Persoas que proveñan de áreas xeográficas en conflito.

### 4. REQUISITOS DAS PERSOAS SOLICITANTES

As persoas destinatarias establecidas no apartado 3. destas bases, deberán cumprir cos seguintes requisitos:

- Estar en situación de necesidade económica, que lles imposibilite facerse cargo dos costes de matrícula, e/ou aloxamento, e/ou materiais. Estando esta circunstancia avalada por algunha das entidades conveniadas coa UDC ou ou polos servizos sociais dalgún concello para a realización das accións recollidas nesta convocatoria.
- Manifestar o interese de realizar a preinscrición ou estar preinscrito/a, no caso de non ser persoas beneficiarias no curso 2023/2024, en estudos de grao, máster oficial e doutoramento en centros propios da Universidade da Coruña ou en centros adscritos de titularidade pública que imparten titulacións non impartidas en centros propios.
- Non posuír título en España en estudos do mesmo nivel para os que se solicita a bolsa.

Código Seguro De Verificación	P3ayy8IqqcrMPujR3l2uFg==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	14/06/2024 10:38:05
Observacións		Páxina	2/7
Url De Verificación	<a href="https://sede.udc.gal/services/validation/P3ayy8IqqcrMPujR3l2uFg==">https://sede.udc.gal/services/validation/P3ayy8IqqcrMPujR3l2uFg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



d) Para estudiantado de grao, estas axudas poderanse solicitar de maneira consecutiva por un máximo de cinco anos, agás no caso de aquelas carreiras estruturadas en máis tempo. No caso de estudos de máster, o período de continuidade será de ata dous anos (e excepcionalmente tres anos, cando o máster estea dividido en dous anos) e no caso de estudos de doutoramento, de ata catro anos.

## 5. FORMALIZACIÓN DE SOLICITUDES E PRAZOS

1. As persoas interesadas deberán presentar a súa solicitude dirixida á Oficina de Cooperación e Voluntariado ([ocv@udc.es](mailto:ocv@udc.es)) no rexistro electrónico da UDC ([https://sede.udc.gal/services/telematic\\_register](https://sede.udc.gal/services/telematic_register)), ou por calquera dos medios sinalados na Lei 39/2015 de 1 de outubro.
2. O formulario de solicitude aparece como Anexo I desta convocatoria.
3. Se a solicitude adolecera dalgún requisito, este, requiriráselle á persoa interesada a través do seu correo electrónico para que, poida subsanalalo no prazo de dez días naturais.
4. A presente convocatoria permanecerá aberta durante todo o ano mentres haxa orzamento dispoñible e se estea en prazo para a tramitación, con data límite 31 de outubro de 2024.

## 6. PROCESO E CRITERIOS DE SELECCIÓN

1. A selección das candidaturas efectuarase por unha Comisión de Selección e Avaliación integrada polos seguintes membros ou persoas nas que deleguen:

Vicerreitor/a do Campus de Ferrol e Responsabilidade Social.  
Vicerrector/a de Estudiantes e Empregabilidade.  
Director/a da Oficina de Cooperación e Voluntariado.  
Técnico/a da Oficina de Cooperación e Voluntariado.

2. Para a selección das candidaturas e distribución das axudas, a Comisión terá en consideración os seguintes criterios:

- Priorizarase ás persoas que xa teñan realizado con anterioridade, e con aproveitamento, un curso académico na UDC.
- Información social e económica aportada pola entidade conveniada e/ou a Unidade de Traballo Social do municipio de residencia.
- Expediente académico da persoa solicitante.
- Carta de presentación e motivación da súa petición.

A Comisión guiarase polos valores da UDC en relación á igualdade de oportunidades entre mulleres e homes, e coas persoas con diversidade funcional. Cumprindo cos principios de protección internacional, a Comisión prestará especial atención aos casos que reflectan unha maior necesidade de acollida.

## 7. PAGAMENTO

1. O aboamento da contía farase da seguinte forma:
  - Achegarase o 40 % da cantidade asignada no momento da resolución da convocatoria, a que se lle aplicarán, de ser o caso, as retencións correspondentes.
  - Realizaranse un segundo pagamento, do 30%, unha vez que as persoas solicitantes presenten os seus resultados académicos das materias avaliadas no primeiro cuatrimestre. Para recibir o segundo pagamento, deberán ter aprobado o mínimo de créditos que se reflicte no seguinte cadro:

Código Seguro De Verificación	P3ayy8IqqcrMPujR3l2uFg==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	14/06/2024 10:38:05
Observacións		Páxina	3/7
Url De Verificación	<a href="https://sede.udc.gal/services/validation/P3ayy8IqqcrMPujR3l2uFg==">https://sede.udc.gal/services/validation/P3ayy8IqqcrMPujR3l2uFg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



Rama de coñecemento	Porcentaxe de créditos a superar
Artes e Humanidades	80%
Ciencias sociais e Xurídicas	80%
Ciencias da saúde	70%
Ciencias	55%
Ensinanzas Técnicas	55%

- Realizarase un terceiro pagamento do 30% restante, unha vez que as persoas solicitantes presenten os seus resultados académicos das materias avaliadas no segundo cuatrimestre. Para recibir o terceiro pagamento, deberán ter aprobado o mínimo de créditos que figuran na táboa do punto anterior.
- 2. O incumprimento total ou parcial do que establece a presente convocatoria dará lugar, logo do oportuno expediente de incumprimento, á cancelación da axuda e ao reintegro do percibido, xunto cos xuros de demora que lle corresponden en cada caso, salvo en casos excepcionais autorizados pola persoa titular da Vicerreitoría do Campus de Ferrol e Responsabilidade Social. Igualmente, no suposto recollido no punto 3, do artigo 33 da Lei 9/2007, do 13 de xuño, de subvencións de Galicia, procederá o reintegro do exceso obtido sobre o custo da actividade subvencionada, así como a esixencia do xuro de mora que corresponder, salvo en casos excepcionais autorizados pola persoa titular da Vicerreitoría do Campus de Ferrol e Responsabilidade Social.

## 8. OBRIGAS E SEGUEMENTO

Son obrigas das persoas beneficiarias destas axudas:

Matricularse no curso 2024/2025 nalgunha titulación oficial de grao, máster ou doutoramento da Universidade da Coruña. A exención do pago de taxas para a expedición do título queda condicionada ao mantemento dos requisitos que permitiron a obtención da axuda.

Facilitar cantas actuacións de comprobación fosen precisas para verificar, no seu caso, o cumprimento e efectividade das condicións determinantes da concesión da axuda.

Cumprir coas obrigas académicas que derivan da súa matrícula, tales como a asistencia a clase, a realización de toda as probas e exames das materias nas que se atope inscrito/a, e a participación responsable nas demais actividades que complementen a súa formación. No caso do doutoramento, realización e cumprimento do plan de traballo acordado co titor/a do seu programa.

Entregar unha memoria sobre a experiencia persoal e académica no prazo de 7 días naturais desde que remata o curso.

## 9. PERDA DO DEREITO Á AXUDA TOTAL OU PARCIAL

Son causas de perda do dereito a estas axudas:

- Non cumprir os requisitos e as obrigas recollidas na convocatoria.
- Ocultar datos, alteralos ou manipular a información solicitada.
- Incorrer nalgunha das causas de incompatibilidade establecidas nesta convocatoria.

## 10. INCOMPATIBILIDADES

Estas axudas **serán compatibles** con outras axudas ou bolsas de calquera organismo público ou privado, agás que estean destinadas a sufragar un mesmo gasto.

Código Seguro De Verificación	P3ayy8IqqcrMPujR3l2uFg==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	14/06/2024 10:38:05
Observacións		Páxina	4/7
Url De Verificación	<a href="https://sede.udc.gal/services/validation/P3ayy8IqqcrMPujR3l2uFg==">https://sede.udc.gal/services/validation/P3ayy8IqqcrMPujR3l2uFg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		





## 11. RESOLUCIÓN DE CONCESIÓN DAS AXUDAS

A Comisión de Selección determinará publicar unha, dúas ou varias resolucións ao longo do curso académico. A resolución de concesión das axudas correspóndelle, por delegación do reitor, á persoa titular da Vicerreitoría do Campus de Ferrol e Responsabilidade Social, que fará pública a correspondente resolución, que surtirá efectos de notificación e contra, a que se poderá interpoñer recurso de reposición ante o mesmo órgano no prazo dun mes dende o día seguinte da súa publicación, ou ben interpoñer recurso contencioso-administrativo no prazo de dous meses, a contar desde o día seguinte á súa publicación ante os Xulgados do Contencioso Administrativo da Coruña, de conformidade co disposto nos artigos 123 e 124 da Lei 39/2015, de 1 de outubro, e 8 e 46.1 da Lei 29/1998, de 13 de xullo, reguladora da xurisdición Contencioso-Administrativa. Con cada nova resolución, a listaxe de espera irase actualizando, en virtude das circunstancias socioeconómicas das novas solicitudes.

## 12. RENUNCIA

A renuncia voluntaria deberá realizarse mediante un escrito presentado no rexistro electrónico da UDC (sede.udc.gal) dirixido á Oficina de Cooperación e Voluntariado. As renuncias aceptadas darán lugar á perda dos dereitos e a concesión da axuda á seguinte persoa da listaxe de agarda.

## 13. TRATAMENTO DOS DATOS DE CARÁCTER PERSOAL

En cumprimento do artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos ("Regulamento Xeral de Protección de Datos" ou RGPD), e do artigo 11 da Lei Orgánica 3/2018, de 5 de decembro, de protección de datos persoais e garantía dos dereitos dixitais (LOPD), informamos que os datos que a persoa interesada facilite mediante a concorrencia a esta convocatoria, serán tratados baixo a responsabilidade da Universidade da Coruña (UDC), sendo os seus datos de contacto Rúa Maestranza 9, 15001, A Coruña, teléfono 981167000, correo electrónico secretariaxeral@udc.gal. Mediante a concorrencia a esta convocatoria, a persoa interesada consinte expresamente na publicación dos seus datos na resolución da solicitude nos taboleiros físicos da UDC e dentro do taboleiro oficial da sede electrónica da UDC, na forma prevista na disposición adicional 7ª da Lei Orgánica 3/2018, de protección de datos persoais. A resolución desta convocatoria permanecerá publicada en tales taboleiros. Os datos persoais serán conservados mentres resulten necesarios para as finalidades do tratamento e, en todo caso, durante los prazos establecidos pola lexislación vixente, sen perxuízo do previsto en relación co exercicio do dereito de supresión e outros dereitos contemplados na Lei Orgánica de Protección de Datos Persoais. A persoa interesada consinte no tratamento dos datos para os efectos de cumprir coa finalidade descrita nesta convocatoria, e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e á limitación do seu tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Tales dereitos poderá exercerlos mediante solicitude remitida á seguinte dirección: Secretaría Xeral, Reitoría da Universidade da Coruña, calle Maestranza 9, 15001 de A Coruña ou ao correo electrónico secretariaxeral@udc.gal, coa referencia "protección de datos", a través dun escrito firmado para o efecto adxuntando fotocopia do seu DNI. Igualmente poderá dirixir esta solicitude directamente ao Delegado de Protección de Datos, á mesma dirección postal anteriormente indicada, ou ao correo electrónico dpd@udc.gal. Asímesmo, ten dereito a presentar unha reclamación ante a Axencia Española de Protección de Datos (AEPD).

Código Seguro De Verificación	P3ayy8IqqcrMPujR312uFg==	Estado	Data e hora
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	Asinado	14/06/2024 10:38:05
Observacións		Páxina	5/7
Url De Verificación	<a href="https://sede.udc.gal/services/validation/P3ayy8IqqcrMPujR312uFg==">https://sede.udc.gal/services/validation/P3ayy8IqqcrMPujR312uFg==</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



## II CONVOCATORIA DE AXUDAS "ABRIGA" PARA ESTUDANTADO REFUXIADO, SOLICITANTE DE ASILO, PROCEDENTE DE ÁREAS XEOGRÁFICAS EN CONFLITO OU PAÍSES RECEPTORES DE AOD.

ANEXO I  
DATOS E CURRÍCULO DO ALUMNADO

(En calquera das aliñas deste impreso poderá empregarse máis espazo se for preciso)

1. BREVE CURRÍCULO DO ALUMNADO			
Datos persoais			
Primeiro apelido	Segundo apelido	Nome	
Data de nacemento:	Nacionalidade:	DNI/NIE:	
Domicilio: rúa, número e piso	Localidade e provincia:	Código postal:	
Teléfono/s de contacto:	Enderezo de correo electrónico:		
Grao/máster para o que solicita a bolsa			
Título académico		Curso	
Idiomas			
Axuda solicitada			
Matrícula e taxas	Aloxamento		
Taxas de expedición de títulos	Axuda económica		

Situación legal administrativa (marque unha opción)			
Solicitante de protección Internacional	Refuxiada/Protección Subsidiaria	Razóns humanitarias	

Código Seguro De Verificación	Estado	Data e hora
P3ayy8IqqcrMPujR3l2uFg==	Asinado	14/06/2024 10:38:05
Asinado Por	Vicerr. do Campus de Ferrol e Responsabilidade Social - Ana Isabel Ares Pernas	
Observacións	Páxina	6/7
Url De Verificación	<a href="https://sede.udc.gal/services/validation/P3ayy8IqqcrMPujR3l2uFg==">https://sede.udc.gal/services/validation/P3ayy8IqqcrMPujR3l2uFg==</a>	
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).	



Solicitante de Asilo	Apátrida	Protección Temporal	
----------------------	----------	---------------------	--

## 2. CARTA DE MOTIVACIÓN DO ALUMNADO

<b>Código Seguro De Verificación</b>	P3ayy8IqqcrMPujR3l2uFg==	<b>Estado</b>	<b>Data e hora</b>
<b>Asinado Por</b>	Vicerr. do Campus de Ferrol e Responsabilidade Social - Ana Isabel Ares Pernas	Asinado	14/06/2024 10:38:05
<b>Observacións</b>		<b>Páxina</b>	7/7
<b>Url De Verificación</b>	<a href="https://sede.udc.gal/services/validation/P3ayy8IqqcrMPujR3l2uFg==">https://sede.udc.gal/services/validation/P3ayy8IqqcrMPujR3l2uFg==</a>		
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		

